

壽世內鏡圖說

內景云心神丹
元字守靈

內景云方寸之
中念深藏

中景云瑩若靈

根扶中央

內景云心意常

和致欣昌

內景云心結幽

關流下竟

外景云專守心

神轉相呼

內景云六府五

藏神體精皆在

心內運天經


壽世內鏡圖說卷三

盧國秦越人扁鵲詮釋

石城陳 鐸天雷較梓

心小腸圖

觀此圖則知肺肝脾腎皆本心生



中景云心紫五寸銳下行又云

中有三空氣堂

內景云心部之

宮蓮含華

內景云心典一

體五藏王

外景云心爲國

王五藏王

內景云遙望一

心如羅星

內景云丹錦飛

裳披玉羅金鈴

朱帶坐婆娑

中景云心君要

妙衣太陽又云

午心火主手少陰經。未小腸主手太陽經。此二經爲表裏。其位居肺下膈上。爲一身之君主。附着於脊之第五椎。形如未敷蓮花。中有七孔三毛。以通天眞之氣。神之宇也。經云。心者。君主之官。神明出焉。十二官皆聽命于心。故主不明。則十二官危。使道閉塞而不通。形乃大傷。難經云。心重十二兩。盛精汁三合。主藏神。又云。心色赤。其臭焦。其味苦。其聲言。其液汗。火王於夏。相於春。廢於季夏。囚於秋。死於冬。其王日丙丁。王時日中。其困日庚辛。困時晡時。死日壬癸。死

明珠赤白如日
光

時夜半

俞在脊第五椎傍募在腹上巨闕

內景云調血理
命身不枯
內景云通利華
精調陰陽

經云心者生之本神之處也其華在面其充在血脈
爲陽中之太陽通于夏氣

南方赤色入通於心開竅於耳

內景云外應口
舌吐五華

火精之氣其藏神舌爲心之官當言於舌舌用非
竅故云耳也蓋手少陰之絡會於耳中故也

心色赤而中虛離之象也

心氣通於舌舌和則知五味矣

雷氣通於心

背爲陽陽中之陽心也

精氣併於心則喜

心惡熱

血病無多食鹹

久視傷血勞傷心也

憂愁思慮則傷心

損其心者調其榮衛

心色赤欲如白裹朱不欲如赭又赤如鷄冠者生如

內景云主適寒
熱榮衛和

少陰神門

肝移寒於心、在膈中、肝移熱於心則死、
膀胱移熱於小腸、膈腸不便、上爲口糜

心欬之狀、欬則心痛、喉中介介如梗狀、

介音憂

甚則

咽腫喉痺、

心欬不已、小腸受之、其狀欬而失氣、與欬俱失、

心風之狀、多汗惡風、焦絕、善怒、嚇赤色、病甚則不可

言快、診在口、其色赤、

嚇音下

心痺者、脉不通、煩則心下鼓、暴上氣而喘、噤乾善驚、

厥氣上則恐

心氣熱則下脉厥而上上則下脉虛虛則生脉痿樞

柝音托挈脛縱而不任地也

心之積名曰伏梁在臍上

心實夢受驚怪異虛夢烟火飛明又云心氣盛則夢笑恐懼

厥氣客於小腸則夢聚邑街衢

左寸心小腸脉所出

浮大而散者心也
浮滑而長者小腸也

心脉浮大而散心合血脉循血脉而行持脉指法如

山景云下繞長城玄谷邑

六菽之重、按至血脉而得者爲浮、稍稍加力、脉道粗者爲大、又稍加力、脉道濶軟者爲散也、

帝曰、夏脉何如而鉤、岐伯曰、夏脉者、心也、南方火也、萬物之所以盛長也、故其氣來盛去衰、故曰鉤、反此者病、曰、何如而反、曰、其氣來盛去亦盛、此謂太過、病在外、其氣來不盛去反盛、此謂不及、病在中、又曰、夏脉太過與不及、其病皆何如、曰、太過則令人身熱而膚痛、爲浸淫、不及則令人煩心、上見欬唾、下爲氣泄、平心、脉來累累如連珠、如循琅玕曰平、夏以胃氣爲

本脉爲喘喘連屬其中微曲曰心病脉來前曲後居
居不動也如操帶鉤曰心死

真心脉至堅而搏如循薏苡子累累然其色赤黑不
澤毛折乃死

薏音意苡羊里切音以

心病煩悶少氣大熱熱上盪心嘔吐欬逆狂語汗出
如珠多厥其脉當浮今反沉而滑其色當赤而反黑
者死此水尅火也

心脉搏堅而長當病舌卷不能言其爽而散者當消
渴自巳

夏心脉欲洪大而散脾脉欲洪而遲緩肺脉欲洪而浮濇腎脉欲洪而沉滑命門脉與腎同肝脉欲洪而弦長

難經云假令得心脉其外證面赤口乾喜笑其內證臍上有動氣按之牢若痛其病煩心心痛掌中熱而哕音扶乾嘔也有是者心也無是者非也

手少陰氣絕則脉不通脉不通則血不流血不流則色澤去故面色黑如鰲此血先死壬日篤癸日死

天師云肺下右側可見心系系於脊髓下通於腎其

心系有二一則上與肺通一則自心入肺兩大葉間
曲折向後並脊脊細絡相連貫通脉髓而與腎系相
通愚謂四臟之系皆通於心心則通於四臟之系也
交相連輸其血氣滲灌骨髓故五臟有病先于其心
其系上連於肺其別自肺兩葉向後貫脊下腎又自
腎而之膀胱與膀胱膜絡並行之於溲溺處也肺之
系者上通氣喉其中與心系相通脾之系者自膈中
微近左脇居胃之上並胃脘絡及胃脘相連貫膈與
心肺相通與膈膜相綴也肝之系自膈下着右脇肋

上貫膈入肺中與膈膜相連腎之系貼脊膂脂膜中
兩腎二系相通而下行其上與心系通也綴音墜
經云小腸受盛之官化物出焉

小腸重二觔十四兩長三丈二尺廣二寸半徑八分
分之少半左廻疊積十六曲容穀二斗四升水六升
三合合之大半

凡胃中腐熟水穀其滓穢自胃之下口傳入小腸上

口自小腸下口闌門之際泌別水液

泌音

滲入膀胱

其糟粕傳入大腸上口矣

小腸爲赤腸

小腸病者小腹痛腰脊控睪而痛

睪音高
陰子也

時窘耳前

熱苦寒甚獨肩_上熱及手小指次指之間熱若脉陷者此其候也

小腸有寒則下重便膿血有熱必痔

小腸有宿食常暮發熱明日復止

小腸脹者小腹臙滿

臙音噴
臙起也

引腹而痛

手少陰心經



凡九穴左右兩行共一十八穴自大包交與腋下極泉循臂行至小指少衝穴止

手少陰心之脉起于心中出屬心系下膈絡小腸其
支者從心系上挾咽系目其直者復從心系却上肺
出腋下下循臑內後廉行太陰心主之後下肘內廉
少循臂內後廉抵掌後兌骨之端神門入掌內廉循小
指之內出其端少冲

少陰心起極泉中腋下筋間脉入胸青靈肘上三寸
取少海肘內節後容靈道掌後一寸半通里腕後一
寸逢陰郤五分取動脉神門掌後兌骨同少府節後
勞宮直小指內側取少衝郤與隙同

手少陰心經少血多氣

是動病則嗌乾心痛渴而欲飲是爲臂厥是主心
所生病者目黃脇痛臍臂內後廉痛厥掌中熱痛屈
者寸口大再倍於人迎虛者寸口反小於人迎也

手太陽小腸經



凡一十九穴左右兩行共三十八穴自少衝交與小指少澤循肘上行至面聽宮穴止